



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dialogue De La Tres-Sainte Vie De La Vierge Marie. De
ses eminentes perfections, & les devoirs que nous luy
deuons rendre**

Pont-A-Movsson, 1649

LXXXIII. Quelles autres vertus pratiquoit-elle?

[urn:nbn:de:hbz:466:1-46934](https://nbn-resolving.org/urn:nbn:de:hbz:466:1-46934)

LXXII.

Où demenra la Vierge apres l'Ascension de son Fils au Ciel?

Partie en Hierusalem, partie en Ephese, ville située en la Prouince d'Asie, tousiours en la compagnie de saint Iean, l'espace de 24. ans enuiron qu'elle suruesquit, seruant de miroir en sainteté à tous les fidelles. Ses exercices ordinaires estoient de mediter les ineffablesmysteres de la foy; de receuoir le tres-saint Sacrement, de visiter les lieux saints; sur tout, de former les premiers Chrestiens à toutes sortes d'actions de pieté: le reste du temps elle l'employoit à trauailler en la compagnie de deux filles, qu'elle instruisoit.

LXXXIII.

Quelles autres vertus pratiquoit-elle?

Elle viuoit des aumosnes, que faisoient les fidelles aux pauures; elle continua la garde de sa chasteté plus qu'Angelique; elle fut parfait-

tement obeissante à tous les saincts decrets que firent les Apostres ; en suite elle eut toutes les autres vertus. Sa modestie estoit toute diuine : elle ne prenoit de repos, ny de viandes, qu'autant que la necessité le permettoit : elle veilloit continuellement sur soy, ne desirant que de plaire à Dieu : C'est pourquoy elle employoit toutes ses forces à bien faire ses actions, & à auancer le salut des ames.

LXXXIV.

Les premiers Chrestiens cognoissoient ils la Vierge ?

Les Apostres ne manquoient pas à leur en donner vne tres particuliere cognoissance ; comme aussi à rapporter à la Vierge tout ce qui se passoit en leur ministere, l'auertissant de tant de mille Chrestiens, qui se conuertissoient tous les iours : D'où arriuoit qu'elle en receuoit vne ioye extraordinaire, voyant ces nouvelles plantes du Iardin de l'Eglise, qui venoient en Hierusalem.